



PAMFLET

1308





A D
CONFOEDERATOS
ORDINES
BELGAS,

AC
SENATVM,

CONTRA

Centurionum aliorumque fraudes justa
querela: & de lustrando, censendo, au-
gendo & instituendo exercitu nostro,
cujusdam Patriæ amantis

CONSILIUM



LEO VARDIAE
In Officina Radaiana,

1605

1308

Proverbiorum Cap. 24. Versu 5. 6.

Vir sapiens robur, & vir prudens virtutem habet.
Quia consiliis bella geruntur & victoria consiliariorum multitudine
(datur.)

Psal. 33. Vers. 16. 17. 18.

Non servatur rex multitudine exercitus, nec vir fortis virium magnitudine pericula vitat. Res fallax est equus ad salutem; licet robore magno pollens, tamen non eripiet. Sed ecce oculus Iehovæ spectat eos, qui se reverentur, & bonitatem ipsius exspectant. Ut liberet à morte animas eorum. &c.

Psal. 27. Vers. 1. 2. 3. &c.

Iehova lux & salus mea est, à quonam timebo? Iehova robur vitæ meæ est, à quo expavescam.

Dum aciem instruunt contra me improbi, ut carnem meam devorent hostes atque inimici mei, ipsi impegerunt & corruerunt.

Semper quidem Deus in defensione
Populi sui bonitatem, presenti-
am ac potentiam suam illustribus
testimoniis ostendit. Sed numquam
et nusquam magis conspicuè, quàm
postremis hisce temporibus cùm in
Germania, Gallia, Britannia &
aliis regnis, atque populis, tum vel maximè in his nostris
inferioris Germaniæ regionibus virtutem suam planè di-
vinum demonstravit.

Nam sive infirmitatem renascentis absque viribus
humanis Ecclesiæ nostræ spectes, sive potentiam eorum,
qui armis & artibus omniue conatu his initiis sese oppo-
suere; confiteare profectò necesse est, ortam exiguis plane-
que contemptis exordiis Ecclesiam Christi inter tot infi-
das manus diutissimè sola crucis patientia adversus sum-
mam summorum Monarcharum potentiam eluctatam, ex-
citatis tandem divinitus Principum quorundam & ma-
gistratuū animis etiam armis capisse defedi: et invitis in-
ferorum portis et armorum strepitu per infinitas difficul-
tates erupuisse in hanc, quam videmus, magnitudinē. Hoc
quisquis non videt in media luce, hunc cecum, qui negat,
stolidum esse necesse est.

Ceterum quanto magis ac mirabilius hoc Dei opus est,
qui nos primū inermes, solo spiritu suo, mox & armis
instruxit, tanto magis damnanda ac detestanda nostra so-
cordia & ingratitude est, qui tantorum beneficiorum im-

memores, licet ab omnibus rebus instructi, in tam bona causa conatum remittimus, et cum hostis arma teneat, extrema quæque minitans, quasi tuta omnia nec quidquam metuendum sit, omnem curam supplendi cohortes nostras abjicimus.

Plus satis nos docuerunt æstatis superioris damna, quibus in rebus à nobis peccatum sit hætenus. Signa etenim militaria habuimus abundè; Sed miles defuit signis, non signa militi, nec stipendia. Neque novum hoc, verum adeò multorum annorum usu inveteratum malum est, ut ignotum nemini esse queat. Et sicut mala omnia invitari impunitate, augeri & crescere licentia solent, ita vidimus hac æstate copias nostras pedestres ceterum viginti vel circiter cohortium (quæ ut minimum quindecim millium numerum explere debuerant) vix ad sex millia virorum lustratas fuisse. Hanc tam incredibilem furacitatem, tam immanem seculisque omnibus inauditam fallendi audaciam, exitiosam Patriæ Ecclesiæque tot jam annos toleratam quis non miretur, doleat, horreat fidus Patriæ Ecclesiæque civis? Nos tamen surdis auribus, siccis oculis minantium et jam præsentium periculorum securi tot oppidis, et castellis amissis, vastatis agris ac damnis acceptis, ad querenda vera remedia segnes non expergiscimus? Quousque tandem frigus hoc nostrum ac veterum penè lethalem non excutimus? aliorum montium fumos respicientes monstrata dataque divinitus auxilia contemtim repudiamus? Iam (quod horum malorum causa est) quasi in hostibus

hostibus nostris ad nos perdendos non satis sit virium, i-
ram Dei meritamque vindictam, dum cultum ejus vel fri-
gidè vel omnino non curamus, insuper in nos provocamus.
Siquidem nota est omniumque oculis exposita deformis
hæc per nostram maximè Frisiā (de vicinis hinc non loquor,
qui de suis rebus ipsi rationem Deo red lent) Ecclesiarum
vastitas. Cui malo mederi tam facile potuimus, quàm me-
ritò debuimus: idq; jam inde ab eo usq; anno, quo Gronin-
ga & reliqua Cisterhenana vicinia in Ordinum potestatem
est redacta. Sed jacent ubiq; per agros Ecclesiæ, in primis
per totam Sylviorum regionem adeò incultæ, nudæ, horridæ,
sine cura atq; ministerio verbi divini, ut ubi centum olim
sacrifici præter ludimagistros facile ac largiter vixere,
ibi hodie verbi ministros vix viginti quinque reperi-
as. Et interim Ecclesiæ bona à majoribus olim data, à pri-
vatis modò magistratuum negligentia injustè detinentur.
Invenias & Gretenias, ubi viginti olim sacrifici aliti
sunt, hodie ne unus quidem Ecclesiastes est ministerio
idoneus.

Quòd si pari studio interim rem Ecclesiæ & Patriæ
curassemus, quo suam quisque privatam ex Patria bello-
rum motib. turbida piscari sategit, rem propè jam factam,
patriam Ecclesiâsq; florentes, et quod rei caput est, Deum
ipsum nobis propicium & legionibus nostris præsentem
haberemus.

At nunc dum suis quisque commodis & sibi suisque
juvandis consulit, dum ad se liberósque, nepotes, fratres,
propinquos

propinquos & affines locupletandos ruentis Patriæ munera & spolia rapit, dum etiam ad publicos Ordinū convē-
tus citra pudorem legūmq; ac Numinis curam et reveren-
tiam non alia de caussa plerique (de probis, quibus ista dis-
plicent, nihil dico) concurrunt, quā ut omnes Reip. tam
civiles quā militares honores, dignitates & officia con-
spiratione prorsus pudenda, & tamen omnibus conspicua
sibi suisque ornandis intercipient, trahant, raptent, exclu-
sis melioribus, abjicitur omne studium tam religionis
quā Rep. & accenduntur faces iræ divinæ. Et hæc om-
nia omnibus, vel lippis ac tonsoribus (ut dicitur) adeò nota
sunt, ac trita etiam vulgi & puerorum fabulis, ut negari
non possint. Ego verò neminem nomino, sed, si quæ pridem
(heu dolor ac dedecus) tam manifesta sunt emendanda, non
exagitanda propono, irasci mihi, nisi qui cum pudore &
sensum perdidit, nemo poterit.

Mirari ergo non debemus, si Deus, cum saluberrimis
consiliis placitisque suis contemtim habitus, & à Conciliis
nostris exclusus, his moribus iratus vindictam divinæ suæ
Majestatis exposcat, consilia nostra turbida dissipet, no-
bisq; bella sua negligenter gerentibus, exercitus nostros
inobedientes & inutiles reddat. Hanc autem justissi-
mam justissimi Numinis iram atque vindictam ut effu-
gere queamus, curanda necessario hæc mala, regendi cor-
rigendique mores & purgandi nobis sunt catus nostri,
& denique omnis cura ad placandum Deum, publicamq;
salutem dirigenda erit. Quæ omnia quia sine Ordinum
conven-

conventibus probè administrari nequeant, hos conventus quasi theatrum omnis modestiæ, virtutis, Pietatis & iustitiæ esse, ad imitandum omnibus expositum, profligata privata ambitione & avaritiâ quàm longissimè, honores dare non rapere decet. Certè cùm hoc tempore ultima mala & naufragia spectanti jam in præceps Resp. & Ecclesiæ Christi nobis comminentur, furor profectò, cecitas & vesania est, curti & privati lucelli causa negligere publicam ruinam, qua tamen mox perire ac mergi universos oportet.

Quam tantam cladem ut sui nominis, non meriti nostri ergo in professos hostes suos à nobis avertat Clementissimus Deus, hoc agendum nobis, hic labor, hic scopus erit, ut exorando Deo Opt. Max. omnem curam, consilia & operam seriò conferamus; tum ut ad augendas reformandasque legiones nostras, & omnes tam equitum quàm pedum copias alacriter properemus. Properat enim hostis, & nos hìc ignavos ac segnes esse vetat. Maturandum igitur, ut etiam ante hyemis exitum parati simus, quia serò ista fient cùm jam educendus (quod primo vere vel etiam antè fieri velim) exercitus erit.

Equidem jam ante annos plus minus septem, ad hoc signum spectans, cùm in exercitu nostro mille fraudes & paucitatem fœdam animadverterem, & non sine summo dolore mali remedia frustra quærerem, consilium meum qualecumque candidè proposui, scriptòq; comprehensum multis & in dignitate constitutis & eruditione claris viris

ris communicavi. Quod et si publicandum jam tum quidam
putabant, pressi tamen in hunc usque diem, futurum spe-
rans, ut interim vigilantia summi regiminis tam eviden-
tia Reipublicæ vulnera sanarentur. Et mihi quidem non
adeò arduum id videbatur, ut multi sibi persuadebant,
quòd & longorum mensium contractione & capitum nu-
mero minuto in cohortibus, duplici Ordinum liberalita-
te, & modò annonæ quoque laxitate querelis militum oc-
cursum esset. Sed cum videam, non solum nihil factum, sed
contrà eousque excrevisse morbum, ut ejus cura jam dif-
ficilis videatur, nisi celeriter $\chi\gamma\omega\varsigma\ \alpha\pi\omicron\ \mu\eta\chi\alpha\omega\eta\varsigma$ Deus ipse
benignissimis benignè nos respexerit: & pericula nos ul-
tima circumstent urgeantque, ne desim officio (præsertim
suadetibus idem doctis & fidis quibusdā communis Patriæ
& Ecclesiæ amantibus viris) promendum jam, non pre-
mendum amplius existimavi. Quod ergo Deus bene ver-
tat, & Reipublicæ Christianæ salutare reddat, recogni-
tum $\omega\varsigma\ \nu\epsilon\omicron\phi\omicron\lambda\omicron\nu$, non auctum, auram ei secundam precans,
emitto. Non tamen ita hunc meum partum diligo, quin
si meliorem quis dederit, gloriæ Dei & Reipublicæ causa
citra invidiam ultrò cessurus, eumque vel propriis mani-
bus sim jugulaturus. Calend. Decemb. CIO. IO. CV.

SOPHOCLES.

Οπρὶ μὴ τ' ἄρισ' ἐλευθέρως λέγειν
ἔξῃ, νικᾷ δ' ἐν πόλει τὰ χεῖρονα,
Ἀμαρτίαι Φάλαξοι τὴν Σωτηρίαν.



I
I quod umquam tempus fuit. P.
C. de salute publica serio cogi-
tandi: hic dies hodiernus aperte,
diserte & quasi edita voce nos
admonet, non agendum modò,
sed & properandum nobis esse.
Periculum ultimum, exitium

præsens, & si quid his atrocius minitari sævitia potest,
id omne nobis infestissimus intentat hostis. Et, quod
toties voce divina didicimus, viribus, foederibus &
auxiliis externis ne nimium confidendo, officium no-
strum studiumque rebus ad salutem necessariis con-
sulendi remittamus, nimium verè idem hic dies do-
cuit, rupto penè celerius quàm conflatum erat, hoc fœ-
dere, quod non sine causa diuturnum (si minùs im-
mortale) fore cum his Regibus tam amicis & vici-
nis, quàm potentibus nobis promiseramus. Ecce in-
stat & urget armis & artibus, omnem conatum quasi
compendio in nos effusus cruentus & nobis irre-
conciliabilis hostis: jamque rem gerit, uti videmus.

Quid ergo faciendum censes? dicat aliquis, Nihil
frigidum, nihil segne, nihil vulgare nec ordinarium
agendum nobis dico: sed quod hæc ipsa hora, hic ho-
stis, & hæc, quam videtis, periclitantis Patriæ neces-
sitas: denique quod ipse Deus Armipotens dicat, effla-

A

gitat, cogit, jubetque.

Hic primum est, uti Dei nostri verè Opt. Max. auxilium quod numquam nos deseruit, imploremus tam certa fiducia, quàm vanam omnem humanam modò experti sumus. Proximum, ut quod jam Dei beneficio habemus, vel habere possumus, id habeamus, & remotis omnibus obstaculis ac difficultatibus, impendere Dei gloriæ & salutis publicæ ne dubitemus. Tertium, ne quid exspectemus ab amicis, vicinis, sociis, quod in nobis situm sit: neu foris querendo, quod domi habemus, officium Patriæ debitum negligamus.

Ac divinum quidem auxilium certum præsensque impetrabimus, si implorabimus; si Dei dono & virtute hucusque stare nos & staturos certò gratisque statuemus. Si implorabimus dico, hoc est, si bonam causam nostram bene & non neglectim administratam ardentibus votis Deo nostro Armipotenti commendabimus: & cum Deo manum & ipsi operi tam sancto admovebimus. Sic agentibus, & non segnitè precantibus haut dubiè Deus aderit, aget pugnetque pro nobis: &, quod promisit, vel gloriæ suæ ergo præstabit, modò gloriam hanc ipsi demus, ut necessitatis tempore ipsum invocemus. Sic perpetuò veteri Populo suo Israëlítico adfuit. Sic novo novi fœ-

de-

3
deris. Sed & nobis ipsis hucusque in hoc bello. Nec
recitabo hic exempla vel hæc vel ista, quorum plenæ
sunt sacre historię; & ipsi testes locupletes sumus, ipsi
sensimus & sentimus etiamnum potentissimam Dei
dexteram adversus prævalidum hostem & difficultates
infinitas cum externas tum domesticas. Dico ergo
mihiq̃ue promitto eandem nobis sedulò invocanti-
bus, ac divinum negotium impigrè agentibus minimè
defuturam.

Cæterum Dei auxilio sic demum potiemur, ute-
mur, fruemur, si Consilio, mandato & imperio parue-
rimus. Consultit Deus vult & jubet, ut præcincti vir-
tute ac robore se ducem armipotentem in hostes suos
nostrosq̃ue præeuntem cum fiducia sequamur. Con-
sultit ille, vult, jubet, ut arma, vires & copias à se libera-
lissimè datas ad pugnam, non ad pompam instructas
gloriæ suæ & saluti Populi sui Patriæq̃ue nostræ bona
fide impendamus. Consultit, vult, jubet, in rem tam
sanctam, quàm necessariam non fidem tantum, sed &
curam omnem adhibere: & execratur, quotquot
opus suum tepidè, trepidè & negligenter facimus.
Consultit denique, vult, jubetq̃ue Deus, ultimis plecti
suppliciis sacrilegos peculatores, qui militiæ tam san-
ctæ in auctorati, stipendia Patriæ capiunt, militem non
dant Patriæ. Execratur veracissimum justissimūq̃;

Numen, odit, horret furta fraudesque: sed magis nostras, quàm militum nostrorum: & ni puniendo nequissimos fures ac prædones publicos gloriæ suæ ac salutis publicæ consulimus, puniet ipsemet nos, ut infideles Populi sui Pastores custodēsque, & puniendo iustissimæ vindictæ suæ & exitio publico superimmo-lans ipse interim gloriæ ac maiestatis suæ vindex existet.

Quod ne fiat, nostra erit cautio, & (ne desperemus) facultas obviam eundo periculis minantibus, & prosperando per media pericula, quæ sicuti in hunc ulque diem morando accersivimus, attraximus, auximus: ita repellere, avertere & in ipsum hostem convertere maturando & gnaviter agendo instandoque operi possumus.

Ita facientibus vel ex machina Deus aderit. Facientibus dico? imò conantibus & seriò volentibus tantum. Nam de vobis, P.C. polliceri mihi audeo, quod reliquis mortalium in votis semper fuit, & sæpe defuit, unicum, uti quod vellent possent: id vobis Dei beneficio, & alacritate Populi Belgici abundè adesse, uti quicquid huius velitis, possitis: unum deesse, velle, quod potestis. Omnem difficultatem omni ævo superasse visus est Imperator, Rex, & Respublica quibus ad agendos alendosque exercitus stipendium non defuit,

defuit. Id habentibus, ceu belli nervum certissimum
reliqua expedita & ad manum fuere. At nobis, quan-
tam requiramus pecuniam, largitur Deus, repræsen-
tat Populus libens ac liberalis. Sexagies quinquies-
centena aureorum Carolæorum millia in belli terre-
stris impendia hoc anno petiit Senatus ac tulit. In-
gentem profectò pecuniam diceret Regum quilibet,
si posceretur. Quid quærimus ultra? En nervum belli
quantum vel optare audeamus, & qui ad quadragin-
ta peditum tria equitum millia toto anno alenda du-
bio procul satis sit præter alia necessaria. Vt hîc qui-
dem, si libeat, exclamare meritò liceat: O fortunatos
nimium, bona si sua norint, Belgas, nisi me vel mæ-
ror vel modestia retineret. Et licet his objici possit: ad
reliquos apparatus, impedimenta belli, & necessitates
subitas facilè quintam vel etiam quartam partem ex
hac summa decidendam esse (cui ego non nimium re-
pugnem) tamen vel sic mihi Populoque Belgico ad
triginta duo peditum, duo equitum millia quingen-
tos satis super erit. Ecquis exercitum numerosiore
requirat.

Ecquis his copiis, armis ac viribus nostra defendi,
invadi hostem & pelli finibus nostris, atque insuper
& suis è Belgis posse diffidat? Ex Belgis, inquam, &
quidem universis, quos sanè sperare licet, si nos validè

ferioque in liberanda Patria versari senserint, nobis vicinis & cognatis, ad recuperandam communem libertatem potius accessuros, quam ad superbam externæ, truculentissimæ nationis dominationem sustinendam ac propugnandam in conditione servitii tam tristis permansturos. Sin frigidè pergentes viderint, nec dari sibi, quod sperent, dignum periculo: ne nos quidem ab his quidquam magni speremus, quos miserrimo servitutis iugo jam aduetos longè credibilius est, servire quodlibet servitium quavis lege, quam sine spe certa periclitari nobiscum, & perire tandem malituros.

Ecce habetis uno compendio, P. C. quid possitis. Quid ergo? non vultis? Absit à vobis, absit à Belgis tantum nefas, tanta in Deum simul & Patriam impietas & ingratitudo. Sed tamen has copias quo minus integras hodie habeamus, prima culpa nequissimorum est Centurionum Tribunorumque (his enim nominibus legiuncularum & cohortularum nostrarum præfectos hic appellitare libet) nostrorum. Hinc perfidissimorum Censorum cum his colludentium, secunda. Et quia nos hæc scimus tam immania, & omne exemplum extremæ nequitiae vincencia, & exitium Patriæ trahentia scelera, eaque sinimus impunita, nostram facimus tertiam & ultimam, ne dicam,

cam,

7
cam, omnem. Nolle enim videmur, qui officium
non facimus, nec Senatum negligenter hîc agentem
excitamus: qui stationem divinitus nobis assignatam
non satis tuemur, negligendo quæ ad eam necessaria
sunt: neque creditum nobis Reip. clavum rectum te-
nentes, in sævissima tam cruenti & exitialis belli
tempestate neglectu Censuræ ac Disciplinæ militaris
navem Ecclesiæ Dei & Patriæ in scopulos dirigimus.
Quæ autem hæc miseria est? Quis veternus? Quis
error tam affectatus? imò quis furor, dum mortem fu-
gimus, in mortem ruere? Dum hostem externum de-
pellere conamur, tot hostes domesticos in sinu fove-
re, & per hos ipsos pontem sternere hosti peregrino?
An ignoramus, quo cum hoste res sit nobis? nempe
cum eo, cujus nota perfidia & professæ per orbem, o-
mnem nobis non actionem modò sed & mentionem
pacis abominabilem fecit. Iam si bello vincimur (nam
sic agendo vincere quî possumus?) quam spem veniæ
aut moderationem victoriæ sperabimus à barbaris ac
feris Cyclopibus inveteratæ jam tot annos iræ faces
horrendas Populo Belgico intentantibus? Quorum
inexplebili sævitia & siti sanguinis humani totus hic
orbis non sufficit. Sed & novi orbes quærendi, & cru-
ore carnibusque humanis infinitarum myriadum, à
quibus nulla re læsi fuerant, etiam canes eorum sati-
andi.

andi. Bellum ergo cum nobis jam sit plus quam internecinum, bellandum quoque necessario, & bona fide meminerimus, & opponendas efferatis hostibus justas copias & exercitus tantæ moli idoneos, & quantas extrema hæc, quam videmus, Patriæ necessitas exposcit, & Reipublicæ stipendiis complecti possumus.

Atque hoc totum (mihi credite P. C.) abundè nobis præstabunt exacta Censura & Disciplina militaris, si minùs severissima illa, qualem veteribus fuisse accepimus; at saltem mediocris, quæque ultima scelera, peculatus & sacrilegia furtaque publica ultimis suppliciis, vel si durius id moribus nostris erit, saltem modicis & exemplo dignis poenis persequatur. Neque ego hic requirere audeam priscam illam & venerandam, magisque nobis optandam quam sperandam militiæ rectricem omnibus historiis celebratam Romanorum disciplinam. Sed quis ferre queat scelestam hanc & effusissimam multisque sæculis inauditam furandi, grassandique licentiam Centurionum, Ducen-
turionum aliorumque, adeò jam vulgò receptam, uti de ea fraudibusque suis (artes ipsi vocant) gloriari possim ipsos audiamus? Et quod fœdum auditu est, cum horum fraudatorum (probos semper excipio) alii vicenis, alii tricenis, complures quadragenis, quinquagenis, sexagenis, non pauci septuagenis & pluribus capitibus

tibus

9
tibus Rempublicam fraudent: hæc tamen tanta, tam
immania turtorum, peculatus & sacrilegiorum
monstra tam conspicua, & ab ipsis etiam palam jacta-
ta quis credat à Censoribus nostris (ut ipsi aiunt) ani-
madverti non posse? Nam hi integros nobis (si diis
placet) capitum catalogos, aut integris proximos ex-
hibent. Ut nusquam certiùs appareat harum fraudum
& collusionum experimentum, quàm cum in expedi-
tionem vel in aciem educitur exercitus, & maximè pe-
riclitatur Respublica: cum ne dimidia quidem pars
capitum, quam Censorum nobis mentiuntur tabulæ,
oculis repræsentetur.

Et quodnam quærimus tam nocentis & perniciosæ
imposturæ manifestius documentum? Et quando tam-
dè è somno nostro, vel veterino potiùs expergiscemur?
An non videmus, præ foribus, non in foribus ipsis pe-
riculum? Nec mala tanta domestica planèque intesti-
na curare studemus? Si (quod Deus Opt. Max. aver-
tat) in prælio tantam nobis cladem dedisset, & ad de-
formem hanc paucitatem nos redegisset hostis, quis
non gemitus, quis non lachrymas, quis non luctum
sibi publicum, nedum consternationem demonstnan-
da putaret? Nunc (ecce) facit idem Tribunus noster,
Centurio noster, & (quod monstra omnia superat)
Censor ipse & custos noster, qui dolis, furtis & corru-

B

ptelis infinitis dum simplicitati nostræ imponūt & illudunt & Patriam defensoribus nudāt, hosti militāt, hosti rem gerunt, hosti trophæa ac triumphos parant.

Et mox interea delusi ac derisi, & (quantum in his est) perditī, siccis tamen oculis, supinis auribus & securis animis videre, audire & ferre hæc possumus? Si miles desertor vel confictus vel expeditionis tempore ex acie vel à signis aufugerit, supplicio ultimo citra misericordiam percellitur, & meritò sanè; At hi sacrilegi nostri mangones, fures & predones totas nobis cohortes, integras legiones, tot bellatorum millia ab expeditionibus & acie nostra subducunt, Et quidem impunè. Hos aut quis neget militare hosti, servire hosti, rem gerere hosti, sacrificia, hecatombas & triumphos gratissimos adornare hosti? Cùm aut bis, ter, & ter decies hostis ac toties proditor sit ille, qui in caliris Imperatoris sui rem conficit hosti, ideoque omnibus poenis dignus, quo non malo dignos judicabimus istos, qui, ut luxum, libidines, fastum & ingluviem suam exfati-ent, exercitum Imperatoris sui armis virisque nudatum trucidandum hostibus obiciunt: Rempublicam pecunia emungunt ac vendunt?

Verùm hæc quantumvis atrocitas, non desunt tamē, qui purgare studeant, patroni, temporum caritatem & stipendii parcitatem tollerandis sumtibus, ac suffi-
nendæ

II

nendæ Tribunorum, Centurionum aliorumque dignitati imparem, & nescio, quid non caussantes. Atque qui hos tam bellos non Patriæ laborantis, sed luxuriantis superbię propugnatores scire oportuit, armis & armatis, viris & militibus, non unguentis aut milticiis, non lenonibus aut cauponibus, neque mollib. sponis Penelopes opus esse Patriæ. Ea incidisse nunc tempora, quibus non ungi, non comi, non pollucere militem, sed armari, in acie stare, pro Patria cumque Patria non de levibus aut ludicris præmiolis, sed de libertate, de vita ipsa, summaque rerum omnium necessario certandum, pugnandum & periclitandum est. Hoc si teneret Tribunus, Centurio, Signifer & miles noster, sciret & virtute sibi, non luxu; armis, non epulis cum principibus & magnatibus contendendum: in hostes arma non in cives gulam acuenda, & hoc modo contentus anni superioris liberalitate non citra grave Reipublicæ onus impetrata: sic & stipendii abundè esse omnibus. Si non tenet, & obsonari, luxuriari ac pergræcari, ideoque & furari pergit velle, nihil quamlibet magnum satisfacere: & necessario, quod fit, fieri, dum ipsi soli pauci & cum paucis comuntur, unguntur, luxuriantur: & (quod æquè flagitiosum est) per avaritiam cauponantes stipendia commilitonum suorum intervertunt. Sic militem, quem habent, pallere fame:

B 2

quem non habent, subtrahi Patriæ, dum stipendium omne publicum intercipit, absumit ac dissipat sacrilega ingluvies, luxus & avaritia paucorum. Ut mirum non sit profectò, si in necessitate & periculo publico Respublica exercitû, exercitus stipendium non habeat.

Neq; mirum, si Duces nostri, viri alioquin magni ac strenui, ubi cum paucis & vix semiplenis copiis ad hostem ventum est, virium tam accisarum conscientia fortunam prælii vel tentare non audeant; vel si audeant, succumbant; & optimas rei bene gerendæ occasiones sæpe prætermittere, & hosti magno cum Reipublicæ malo cedere cogantur. Quod tam triste ac luctuosum experimentum utinam vel minùs sæpe fecissemus: vel crebrò jam factum ad usum trahere, & malis nostris tam multis discere possimus.

Et utut hic minus sit mali, quamnam posthac victoriam speremus ab hisce perditissimis furibus? ab his tam nitidis, tam cultis, mollibusq;, & abdomine gravibus ventribus, conscientia furtorum, rapinarum & peculatus vel tutissima quæque, & tam vesti quàm vètri metuentibus, eoque fugam magis, quàm pugnam cum milite, quem exemplo corruerunt, meditantibus? Quamquam ne hoc quidem mirum est. Quid enim non vitiet? quid non corrumpat hæc tam projecta licentia? Dedit hanc contagio labem & dabit in
plures

plures. si quid tamen in nostris moribus tam profligatis
superest, quod corrumpatur. Illud mirum, vel miserum
potius, ne tot quidem & tam tristibus cladium exem-
plis ad revocandam veram Censuram ac Disciplinam
commoveri nos posse: & cum leges habeamus mul-
tas & non malas, nullas omnino apud nos vigere nec
vivere legum pœnas. Idque contra omnem omnium
seculorum laudatum morem, quo saluberrime rece-
ptum est, crescentibus delictis, uti intendantur & pœnæ.

Hinc & illud consequitur, quod est omnium mi-
serissimum, dum nefariis & scelestissimis aliquot gur-
gitibus & pestibus perversa parcit indulgentia, objici
furiosis immitissimorum hostium rictibus, dulcissi-
mam Patriam omni spiritu nobis chariorem. Hanc
verò nostram tam supinam oscitantiam & miseriam
affectatam, quis non miretur ac deploret, qui cum nul-
la vi, nulla difficultate, nullo periculo retineri merca-
tores posse videat, quin lucelli sui causa per tot maria
novas terras, Indias & orbes quærant: nos contra in
defendenda tam nostra quàm publica salute adeò vi-
deat resupinos, ut ad remedium alioqui promptum
nec sumptuosum, ne hac quidem vi penè fatali & pe-
riculo extremo commoveri posse videamur.

Cognati sunt? affines? familiares? hoc severius pu-
niantur. Et simus hîc Iunii Bruti Patriæ causa, qui

propriis filiis Patriæ prodicionem molientibus non pepercit. Cogitemus quàm multos cognatos, affines & familiares. imò parentes & fratres, conjuges & liberos, & quidquid omnino in Patria est chari pignoris, tristissima Patriæ ruina involutura sit secum. Quos tamen universos velut uno dedere incendio, & truculentissimis carnificibus ad lanienam prodere non verentur hæc furia nostræ ac pestes, perituræ nihilominus & ipsæ simul exiguæ breviq̃ue duraturæ voluptatis ergo. Cogitemus etiam atque etiam, si quid triste (quod Deus avertat) evenierit & negligentia nostrâ Patriam circumvenerit, quam rationem Deo, quam patriæ reddituri simus, tacti tractique simul publicâ ruinâ. Quid de nobis dicturi sensuriq̃ue sint exteri, quid vicini, quid item posteri nostri, vel apud exteros tristi exsulio, vel apud ipsos hostes victores turpi servitio pressi. Nempe, populum Belgicum quondam opibus & viribus florentem in summa rerum omnium copia, inopia virium & boni consilii & incuria custodum crudelissimis hostibus succubuisse. Cogitemus postremo (nec levis hæc sit cura) si quos successus hæc festinatio & vis hostilis habuerit, quid à religionis professis & Reipublicæ testis adversariis domesticis, quid item à populo ab his concitando, novandis rebus & natura & belli tædio proclivi, & jam ab ipsis quoq; hostibus

15.
stibus palam impulso inter aduersa timendum, vel
certè cavendum sit nobis;

Iam si quem deterret rei difficultas, hic sciat, ut-
cumque id verum sit, rem esse præclaram, neque no-
vum, si ut omnia pulchra, sic & hanc suo quodam ju-
re difficultates aliquas habituram. Sciat necessariam
nobis esse: nisi perire satius ducimus, quam tamen ut
numquam visam, impossibilem, numquam non exer-
citam, si aggredi tantum libeat, facilem reddet prom-
tamque experientia. Velimus tantum & conatum
præstemus.

Cæterum quo facilius conari & re tandem ipsa tan-
tis malis mederi queamus ante omnia curandum, ut
in conferendis stipendiis inter socios populos melio-
re & Christianis fœdereq; nostro digna fide versemur;
neque, ut hæcenus factum, si decipi à milite nostro
nolumus, nos ipsi hic mutuum decipiamus. Repræ-
sentemus bona fide vel cohortium quisq; suarum ve-
rum numerum, vel suffecturam stipendiis pecuniam
ex fœdere jam olim pro modo facultatum cujusq; po-
puli constitutam: & quod in pompis publicis fieri con-
suevit, ubi opes quisque suas ostentare non gravatur,
id quæso in asserenda libertate & salute publica ne re-
cusemus: sed sit sancta quædam liberalitatis, benivo-
lentia, charitatis & fidei erga communem patriam ex

immitissimis sævissimorum luporum rictib. confer-
vandam, inter nos contentio.

Ad hæc sedulò curemus, ut quantum omninò fieri
potest, stipendium militi solvatur in tempore citra
moram longiorem. Nam hac in re cum gravi Reipu-
blicæ dispendio gravissimè multis in locis peccari vi-
demus, dum pecuniam militarem subquæstores, ad
quos cohortium præfecti cum adsignationibus suis
remittuntur, longo tempore supprimunt, & his mo-
dis militem fraudant, & præfectis porrò fallendi caus-
sam præbent: His bene curatis reliqua non tam ar-
dua erunt, quàm putamus, velimus tantum, ut dixi,
feriò. Nemo non militem, etiam legionariorum i-
dem volet nobiscum, si bonos præmia, improbos pæ-
nas sequi viderit. Nemo pro impunitate istorum se
commovebit, quos tam iusta de causa odit, quàm ju-
sta pena plecti videt. Nemo istorum suppliciis indole-
scet, qui vel stipendio se fraudatum, malèque tracta-
tum dolebit, vel locum exuviasque punitorum spera-
re poterit. Quin & ipsi fraudatorum suorum furta
detegent milites, & deferent ultrò, si invitentur.

Adeò nulla grandior timeri hinc difficultas poterit.
Nec video, aliunde quæ possit: modò rem tantam
suo tempore, rectè atque ordine aggrediamur: & cen-
suram jam hinc inde primùm, & postea deinceps ali-
quoties

quoties suscipiamus agamusque ipsi, adhibitis non his censorculis ordinariis canibus mutis: sed notæ virtutis fidei & erga Patriam, charitatis viris ac magistratibus, talium fraudum non ignaris, eoque nec remedii ac cautelæ contra eas.

Hanc brevissimis intervallis iterari & repeti velim: & falli ipsos fallentes suis artibus. Provocari ad indicium tricuriones, decuriones, duplarios aliosque notiores milites religione sacramenti militaris, quo militiæ adscripti sunt: Quod quo felicius fiat, jam inchoandum quam primum pergendumque constanter censeam, dum temporis aliquid hostium nobis perplexitas indulget.

Profuerit non modicum & illud, sæpius mutari stationes, & ne diutiùs ternis mensibus uno in loco agent præsidia, nec consuescant, aut consenescant cum civibus.

Ante omnia sint in ordinum potiùs quàm Centurionum potestate Scribæ: & per horum manus viri-
tim militi stipendium numeretur. Quod ut ipsis fortè absurdum videatur, maximè olim, cum hæ fraudes, aut in frequentiores essent, aut minùs timerentur: sic hodiè remedio & saluti utile necessitas facit. Hinc jam in deprehenso fures ad terrorem aliorum severè animadverti, & nihil obmitti diligentia & offi-

C

cii periculis urgentibus avertendis necessarii.

Postremò, ne qua ex hoc censu metui seditio possit, in intima præsidia deduci cohortes, quæ hoc anno in expeditione fuere, quo & lustratio & animadversio facilior sit; & in æstatem recentes integrasque in hostem vel hosticum deduci velim.

Quod si tamen usque adeo quibusdam placet augeri stipendia vel Centurionibus vel etiam melioribus militum, licet hoc ipsi nunc nec postulent, nec postulare audeant conscientia recentis augmenti hoc ipso anno cōtractione mensium concessi non nimium repugnabo, habeant sanè præter alia cōmoda sua non pauca nec parva centenos vicanos quinos Carolæos mensurum stipendiū vel etiam amplius, si videbitur, sustinendis oneribus & honorandis melioribus militibus.

Sed satis docuit recēs liberalitas, quàm parum hinc quoque sperandum sit, neque flecti improbitatem beneficio. Hoc stipendio concessio. interrogari singulos suadeam velintne nec ne, hoc stipendio militantes, cohortes suas iusto militum numero & robore implere, & impletas perpetuò durante militia conservare, capitis denunciata pœna, ni faciant Recipientes sacramento adstringi, & fallentes ex lege plecti, juvare Rempublicam, misereri Patriæ.

Et quid ni sic agamus lege? Quid metuimus? Quo usque

19
usque tandem parcemus nequissimis proditoribus!
ociosi que exitium & ruinam suavissimæ patriæ spe-
ctabimus, quam quidem fulcire tam facile potuimus,
quàm jure meritoque debuimus? Instat hostis, jam
Gallico, ac modò non & Anglico bello defunctus col-
lectis integris & instructis viribus universis, longè que
aliam bellandi necessitatem nobis imponit, quàm pri-
dem alienis occupandis distractus, quo tempore hunc
nobis errorem minùs sanè perniciosum absentia sua
fecit. At modò tota bellandi ratione mutata nos
docet, ita nos comparemus quasi certos, in hoc bello
& cum hoc hoste bis peccare nobis non liciturum.
Sed hæc jam plus fatis: vobis sapientibus vel absque
his fatis. Illud autem meritò quis miretur. Et me quidem
jam diu poenitet, pudet, pigetque (Parcite P. G. im-
modico dolori; & me quidem huic affinem culpæ par-
tem ejus ferre, agnoscere & deplorare patiamini) in
bello tam fævo & ferventi frigoris atq; oscitationis no-
stræ: qui dum & nostra bona & Dei dona maxima plu-
rimaq; non animadvertimus, eademque negligenter
administramus, confugimus ad externos Reges: & ob-
misso domi officio ac Dei consilio, peregrinorum fœ-
derum & auxiliorum in ventos captamus. Ut Patriam
liberemus, incipimus Patriam, servitutis & onerum

fuga, servitutes & onera accersimus. Vrbes, oppida atque arces nostras contra externos defensuri, urbes, oppida & arces nostras exteris tradimus, haut alia spe, quam parvi brevisq; auxilii tanta cum pactione ingentium onerum, nedum servitutis, atque isthac mercedula placeant omnia, quæ velis equisq; fugimus, mala. Cum tamen, si sapimus, si viri, si Belgæ sumus, Dei nostri Opt. Max. munere eadem domi habeamus & maiora & certiora, quæ tam sollicitè foris quærimus. Et sanè non immeritò mirentur homines non prorsus à nobis alieni, Belgas Confœderatos gentem cæterà prudentē, potentē & bellicosam vel ignorantia vel verius neglectu virium suarum, dum peregrinæ potentia summi cōlectatur, in ignē, quem malè fugerat, pejus incidisse.

Quid ergo (fortè dicat aliquis piam) tūne tantorum Principum auxilia fœderaque contemnitis? Minimè equidem contemno, quinimò magni ea facio. Sed ita pendere ab iis nolum, ut eorum fiducia remitti studiū, obmitti officium Patriæ debitum, ac tam necessarium velim. Nolim cessare in armandis expediendisq; omnibus copiis domesticis: & in summo Reip. discrimine comparandis omnibus ad summam necessitatem ultimumq; certamen. Amicitias Regum tantorum & armorum societatem, si haberi teneriq; possunt, obviis ulnis amplector exosculorq; Sed à quibus

quibus absit (quoad ejus fieri potest) omnis onerosa
 & iniqua conditio: & maximè pactio servitutis, pig-
 norationum & onerum; quorum tam citò pænitere
 nos potest, quàm Regum voluntates ut vehementes,
 sic mobiles & olim & modò didicimus. Quid dicam
 de ære alieno, quod tantum contraximus, quanti illud
 æstimare voluerit, qui dedit fænoris onerique nostro,
 solvendum non nostro, nec ex lege contractus, sed e-
 jus qui dedit arbitrio. Nec tamen ignoramus, quàm
 multis parum fælicia fuerint potentiorum fœdera.
 Ut olim Latinis, Siculis, Heduis, Heracliensibus aliisq;
 Romanorum, Olynthiis, Theſſalis & universæ tam-
 dem Græciæ Macedonum, & (prætereo reliqua) no-
 stris ipsis Imperatoribus Græcis Othomannorum.
 Nam de Helvetiorum nostro ævo cum Gallis Regib.
 fœdere non laboro. Hos enim quo tempore in liber-
 tatem sese vindicabant, Dei solius ope, & sua virtute,
 concordia & fide mutua, non auxiliis fœderibusve hu-
 manis stetisse omnesq; difficultates superasse satis cõ-
 stat: nec antè in Gallorum amicitiam venisse, quàm
 eum jam potentes & rebus illorum utiles, præsertim
 adversus Austrios communes tum hostes, in fœdus ac-
 citi & recepti sunt. Idque non solum nullo cum one-
 re, sed optimis insuper & suis potiùs, quàm Regum
 conditionibus; pacti pro opera mercenaria pecuniam.

Hoc si quis & nobis dederit, non repudiamus, ut jam dictum est. Sin minus, imitamur virtutem & concordia fideque mutua (freti ope divina) grassemur ad victoriam & meminerimus non aliam nobis, quam ex victoria sperandam esse salutem. Ejus bonam spem esse, si, quâ modò dictum, via contendere voluerimus.

Quod ergo gloriosum Deo Armipotenti, felix faustumque Populo Belgico propiore credere unito, universæ Reip. Christianæ, & salutare nobis omnibus, & singulis sit, P. C. accingamur sedulò & alacriter operi tam sancto, tam utili, præclaro, & ante omnia necessario, addo etiam neque difficili impigrè agentibus. Experiamur ferò, nec diffidamus experimento faciliùs fore, quod sæpius jam & semper in legitima militia factum laudatissimæ nobis historiæ prodiderunt. Credamus, jam non de finibus, de communi dividendo, neque de alia quavis actione vulgari cum æquis adversariis; sed pro ipsis aris atque focis, pro conjugibus ac liberis, pro dulcissimo solo Patriæ, & quod hæc omnia longè superat, pro gloria ac templo Dei nostri sanctissimo adversus hostes crudelissimos, omnis juris, pietatis & æqui ignaros, nobis infestissimos planeque *αἰσχροὺς* instare supremam dimicationem. Et ut ipsis aliena oppugnantibus, remissis & ignavis esse liceat, ac disciplinam negligere (mille enim

nim

nim receptus habent) nobis nostra defendentibus, pro libertate, pro vita ipsa nostra nostrorumque, pro spe & summa rerum universa pugnantis & præter hoc ipsum Patriæ solum effugia nulla sperantibus, fortibus ac strenuis viris esse, Censuram ac Disciplinam, res tam necessarias, quàm salubres restituere atque exercere necesse esse. Hic cessantibus, & stulta indulgentia cognationum & affinitatum peccantibus, belloque vitis peccandi amplius locum non fore.

Quin & expectanda insuper præter tristissimum Patriæ excidium tormenta, cruciatus, supplicia & extrema quæque: & quidquid inexplebilis atque irreconciliabilis sanguinariae gentis in nos ira, & libido in corpora animasque nostras & nostrorum excogitare poterit. Contrà seriò conantibus, & fortiter agentibus aderit summus Imperator Deus noster, qui populum suum electum ac dilectum consilia sua salutaria sequentem, proque causa sua sacrosancta dimicantem brachio extento & potenti dextera sua defendet, & superbissimos divini nominis sui, ac totius humani generis hostes juratos tandem haut dubiè, cum gaudio Populi sui & Angelorum præcipites dabit, profligabit & perdet.

F I N I S.



